

友作下心委寄若中親友作中下心委寄若上親友作上中下心委寄若苾芻於非親友作親友心相委寄者得越法罪

根本說一切有部毗奈耶卷第四

棠四

墳音

歇許詔

金音

縷纏下求

忽遽上粗

缸反

下其暇夏反蛙烏瓜

碗確下苦交反

郢角反

直連下交反

戎反

劫掠略音

馱唐賀反

俠胡帖反

睇音

盟明音

禿他谷反

枉往反

紓紓反

詭居委反

調誑上徒和反

追皇音

賄呼每反

攘而羊反

詭居委反

詭居委反

詭居委反

詭居委反

詭居委反

蟻音哲

壞篋上死回反

長衣上音

諱許貴謾真半反

謾反

詭反

汝彼聚落所有營務我已爲辦宜授小鉢婆蘇達多曰汝自緣去非爲於我我之小鉢誰能與汝蘇師牟曰汝不與者我當自取婆蘇達多曰汝若合得何不取之時婆蘇達多有緣出外蘇師牟即取小鉢安已鉢中婆蘇達多歸不見鉢問言具壽誰將我小鉢去蘇師牟曰是物主將去婆蘇達多曰是誰之物曰是我物婆蘇達多怒曰汝賊心取得波羅市迦蘇師牟聞已追悔即以此緣告諸苾芻諸苾芻白佛佛問蘇師牟汝以何心取他小鉢具以白佛佛言此苾芻作已物心取鉢無犯然諸苾芻不應受雇與他作務若博換作業及求福作無犯苾芻受雇作務者得越法罪佛在室羅伐城逝多林給孤獨園時此城中有二苾芻一名難勝一名月護共結親友言談得意其月護衆所識知有大福德多足衣鉢鉢絡脣條難勝少有知識但畜三衣而復破弊有餘苾芻告言具壽汝今何故少欲著

此破衣不能覆體爲有而不著爲無可得耶難勝答曰我無得處告曰何不乞求答曰誰肯捨三寶聖衆施我凡人彼便告曰月護苾芻是汝親友言談得意多有衣鉢鉢絡脣條何不從乞難勝曰彼不肯與告曰汝先從彼乞求未難勝曰聞彼慳惜我不從乞告曰豈

第五

涉度者遙聞水聲便脫靴履汝但往乞或當見與既聞勸已往月護所告言具壽當施我鉢月護報曰我不相與難勝曰不與我鉢可與我僧伽胝月護曰我豈是汝守庫藏人索鉢不得又覓大衣乃至少縷尚不相與況復衣耶時難勝聞已心生忿怒曰彼有作務我常爲先何故我今從乞云不與縷若我不能揔奪彼物者我即不名爲難勝也從此作意欲取其物遂見月護自染衣服難勝至其所告言具壽我今亦欲助汝染衣彼言甚善當助我作難勝爲彼染衣摩杖翻覆觀察其衣月護見已便作是念看彼意趣翻覆我衣子

細觀察必定有心偷我衣去既起疑心染衣乾已置衣袋中枕頭而卧是諸苾芻初夜後夜警覺思惟作意而住是時難勝告月護曰我等俱行共修善品月護報曰汝且前去我身疲倦隨後當行彼聞便去是時月護便作是念我若去者必當失衣我若不去闢修善品作何方便得不失衣復修善業即以自衣袋安彼頭邊持彼衣囊枕頭而卧時彼難勝既作業已還來偃息是時月護告難勝曰具壽可起共修善品答曰我已作了疲勞暫息汝當起作月護便去難勝念曰我且觀時堪得行未時既將曉於彼頭邊取其衣袋出門

於彼無量百千苾芻衆中而爲說法尔時世尊遙見難勝來告諸苾芻曰汝等見彼苾芻從外來不白言已見佛言此癡人難勝盜取已衣得窣吐羅底也告諸苾芻汝等當知若盜心取有此過失是故苾芻雖已衣鉢不應以盜心取若盜取者得窣吐羅底罪也

業五
佛在室羅伐城逝多林給孤獨園時二苾芻尼一住東房一住南房其東房苾芻尼前行南房苾芻尼從後是二苾芻尼俱詣佛所禮佛足已在一面坐佛爲說法彼聞法已禮佛而退時東房尼在前而去以僧伽胝置在肩上其衣欲墮南房尼見告言聖者衣欲墮時東房尼前行思法復爲方言有異不相領解不覺衣墮時南房尼便取其衣作如是念今若與者妨彼專思待到住處我當授與既到住處時東房尼遂於房外疾洗足已便入房中半跏而坐時南房尼復作是念若我今時與彼衣者還復同前廢修善品待出定已當付世尊若堪住者於世尊所修其梵行若不堪者當你白衣作是念已往世尊所是時世尊

其衣遂於己房置衣架上時東房尼至且告弟子曰將我僧伽胝來我欲乞食弟子入房徧觀架上不見師衣還白言聖者不見僧伽胝師曰可詣南房尼處求覓弟子至彼房中見僧伽胝在衣架上問曰誰將衣來置此架上南房尼曰是我將來弟子曰何故將來以事具答時彼弟子與南房尼先有嫌隙怒而告曰汝以賊心偷此衣來置已房內汝得波羅市迦耶具以此緣告諸苾芻尼尼白苾芻告衆苾芻白佛佛問南房尼曰汝取衣時可不告彼白佛言我雖言告彼不領解佛言方言有異不相領解者無犯然此過失皆由捨得他物久不還主而自貯畜由此緣故若苾芻苾芻尼捨得遺落衣物不應久持若久持者得越法罪時有苾芻見他遺物知是某甲苾芻許便詣彼房扣門而喚彼便出定告曰是誰答曰具壽我於某處捨得汝衣汝可領取

第五

時彼告言具壽寧我此衣被賊將去豈緣此故令汝扣門驚我勝定時彼苾芻許便生追悔作如是念豈非我今驚彼靜慮而獲罪耶以此因緣告諸苾芻諸苾芻白佛佛言彼苾芻無犯然諸苾芻不爲小緣起他勝定若得遺物將詣主邊以繩懸置令後取得勿驚寂定若異此者得越法罪時有苾芻見他遺物識知是某甲苾芻許便持此物詣彼苾芻告言具壽此是汝物我捨得來汝當領取時彼物主與此苾芻先有嫌隙告言非汝捨得故作賊心偷盜我物汝可依法而說其罪時彼苾芻心生追悔非我緣此而獲罪耶以此因緣告諸苾芻諸苾芻白佛佛言此苾芻無犯然諸苾芻得他遺物應可持付知僧事人其知事人得此物已於數日中應可再三以物自衆本主索者可即將還若無認者入四方僧隨衆受用若異此者得越法罪

攝頌曰

蒙五

世羅尼弟子 試他從乞油 目連作神通
收還長者子 耘隣陀婆蹉 取兒并護物
廣叙其盜事 隨說可應知

佛在室羅伐城遊多林給孤獨園時有阿羅漢苾芻尼名曰世羅斷諸煩惱時有賣香童子見世羅尼深生敬重往就其所殷勤致禮有言教我皆頂受時苾芻尼告曰賢首善哉願汝無病後於異時世羅苾芻尼身嬰重病不能乞食有餘苾芻尼巡行乞食時賣香童子見而致禮問言聖者世羅苾芻尼何因不見報言賢首彼身染患童子告曰聖者我先白言若有所須隨意取用曾不見來從我求覓彼有所須願尊為取彼便報曰如是賢首願汝無病作是語已捨之而去如是乃至三返熟勸請與時有年少苾芻尼便生是念我屢聞此童子所言我宜試之為虛為實便持小鉢授與童子告言賢首聖者世羅今須少

油時彼童子有新壓油盛滿小鉢授與彼尼告言聖者更有所須隨意來取時苾芻尼受已而去即以此油塗世羅身徧及手足油並罄盡世羅病愈便行乞食時彼童子見便禮足白言聖者久不相見尼便報曰我比嬰患白言聖者先已言請若有所須於我家中皆隨意取曾不遣信從我求覓惟見一尼云聖者患從我取油我以新油盛滿小鉢持付彼尼世羅報曰善哉童子願汝無病言畢而去次第乞已還本住處告諸少尼曰是誰就彼賣香童子持油鉢來有尼報言聖者我行乞食見彼童子再三告我聖者世羅我已言請若有所須皆隨意取曾不見來從我求索若彼世羅有所須者願為持去我便生念應可試之驗其虛實即持小鉢授與童子告曰聖者世羅今患須油時彼童子盛滿新油而授與我我得油已將至房中而為聖者塗身手足尋皆用盡時世羅尼告少尼曰我曾令汝

就彼童子取覓油不少尼答曰不曾使我時有餘苾芻尼與此少尼先有嫌隙聞此語已告世羅曰聖者今此少尼緣仁疾苦豈但一處擅取於油室羅伐城偏皆求乞他勝之罪其數難知時少尼聞此語已生追悔心豈我實犯他勝罪耶以此因緣白諸苾芻尼諸苾

芻尼白苾芻衆諸苾芻白佛佛問彼少尼曰汝以何心從彼乞油白佛言我於童子而起試心佛告苾芻若作試心此苾芻尼無犯然諸苾芻苾芻尼不問病者不應爲乞若乞取時間病者曰爲向衆僧養病堂處而求藥耶爲詣信心及親族處若親族多者於誰處求隨所指示應爲求覓若苾芻苾芻尼不問病人而爲乞求者得越法罪

佛在室羅伐城逝多林給孤獨園是時具壽大目乾連於日初分執持衣鉢入室羅伐城次第乞食至給孤獨長者宅是時長者教其兒子讀誦外典聲明雜論時大目乾連見彼

長者教其兒息讀誦外典告曰長者此諸童子讀習何書長者白言阿離耶此是外典告言長者夫外典者如鐵石榴辛苦作得終不堪食習學外書亦復如是徒費功勞終無所獲不由此故而能出離入正定聚斷諸煩惱然佛所說初中後善若解了者能趣涅槃何意

卷五
七

不敎習讀佛法長者白言聖者無人能敎尊者報曰我當敎讀長者白言善哉聖者幸爲敎示便告子曰汝今宜往逝多林中詣尊者處而學佛法童子唯然受教時彼長者於日中與其童子纓絡嚴身并諸侍從往給孤園中聖者目連處受學佛法然其國內於秋初時常有迦粟底迦賊當諸苾芻夏安居竟時諸秋賊共相議曰我與汝等欲作何業於此年中不假劬勞豐足衣食安樂受用我聞給孤獨長者於日日中常令兒子身具瓔珞往給孤園內詣聖者目連處受學佛法可於中路共劫取之聖者謂子在長者宅長者謂

兒在聖者處各不相知未即求見我等若能偷得是兒當盡形壽爲我僕使如不得者取其瓔珞嚴身之具我緣此故不假劬勞得受安樂共爲計已即於中路而待童子見具瓔珞欲往園中遂便共劫童子時彼從者見賊將去奔走歸舍告長者曰受業童子被秋賊劫將是時長者即便急往勝光王所白言大王我子被秋賊劫去今從大王欲乞此子時王聞已勑毗盧宅加曰汝宜急去掩捕秋賊見長者子時毗盧宅加與給孤獨長者先有嫌隙雖奉王教未爲急行時有一天於聖者大目連處深生敬重白言聖者知不仁之弟子被秋賊將去可爲急計時大目連便作是念此之童見我若不救子與父母皆生離苦不敬信人聞而心悅其敬信者或生退轉往來之者被賊將去誰復更肯入逝多林我今宜可速現神力取彼童兒作是念已聖者目連現大神通化作毗盧宅加軍衆於其四方擊

大戰鼓時彼秋賊忽見軍圍悉皆驚怖作如是言仁等當知毗盧宅加與諸軍士四面圍合當棄小兒免被囚執即棄童子逃走而去是時聖者大目連遂攝神力於其路側宴坐樹下時彼童子隨路而來問言童子汝何處來白言聖者我被秋賊將去誰奪汝來是毗盧宅加報言童子可急歸舍汝之父母極生憂惱明日可來依舊受業是時童子受教而歸時毗盧宅加嚴整四軍象馬車步出室羅伐城見彼童子問曰汝何處來答言我向逝多林於其中路遭秋賊劫去誰取汝來報言是毗盧宅加將軍毗盧宅加便作是念我始欲去云何而言是我取來豈非別有大德聖者具諸威力取是兒來問童子曰余於彼處見有何人童子答言我於路側見聖者大目連毗盧宅加念曰是彼大德神力取來餘無能者如是知已心生歡喜高聲唱言我等今者快得善利於我國中得有如是大智

聖者具諸威力於現法中及未來世諸漏永
盡作斯讚歎還室羅伐城時六衆苾芻因事
出城於路逢見而問之曰仁讚歎誰答曰歎
仁聖衆我等何事令仁讚歎答曰給孤獨長
者子被秋賊將去聖者大目乾連以神通力
奪其子來六衆報曰汝愚癡人我輩雖有如
是神力人不敬信然有於彼拔髮癡人露形
外道心生散愛若彼露形見此事者爲彼秋
賊指其出路毗盧宅加聞已默然是時六衆
苾芻難陀鵠波難陀共相謂曰我等且已善
荅其事然少欲者今現犯罪我等往彼令其
悔過便還住處飯食已訖詣聖者目連所先
崇五

致敬已白言上座願見容許欲有詰問報言
隨意白言上座給孤獨長者子被秋賊將去
仁奪將來其事虛實報言是我將來白言我
先具知上座已住靜慮受解脫樂我實不知
雖有慈悲而不能普於弟子處愍念將來於
彼秋賊令生恐怖又他所攝物強奪令歸仁
佛在王舍城竹林園中時具壽畢隣陀婆蹉

外甥於其舍中習讀外典時畢隣陀婆蹉於日初分執持衣鉢入王舍城次第乞食至妹夫舍見兒學業問妹夫曰此兒讀者是何書論答言外典尊者令棄外學勸習佛經便爲妹夫親教兒子廣說如上乃至具諸瓔珞往竹林中被秋賊劫將安置船中汎流欲去時從彼者見賊將去奔走歸舍白大家曰受業童子被秋賊劫去時彼妹夫即便急往影勝王所白言大王我子被秋賊劫去今從大王乞子時王勑彼未生怨曰汝宜急去掩捕秋賊覓婆羅門子時未生怨與婆羅門先有嫌隙雖奉王教未爲急去時有天女於聖者畢隣陀婆蹉處深生敬重白言聖者知不仁之外甥被秋賊將去畢隣陀婆蹉便作是念此之外甥我不救者子與父母各生離苦不敬信人聞而心悅其敬信者或生追悔往來之者被賊將去誰復更肯入竹林中我今宜可現神通力作是念已聖者以神通力到彼船

紫五

十

邊令彼賊船不能得去時彼秋賊作如是念何意我船不復前進而於岸邊見聖者畢隣陀婆蹉佇立而望時賊告曰聖者何因惱我報曰汝以惡法而惱於我非我惱汝若我不證如是聖法婆羅門子永被將去賊言聖者我於此兒任意收取即令上岸是時聖者遂攝神力告外甥曰汝可速歸見汝父母明當受業童子於路逢未生怨嚴整四軍出王舍城路見童子問曰汝何處來答言我向竹林於其中路被賊劫去誰取汝來答言是我舅畢隣陀婆蹉時未生怨心生歡喜高聲唱言我等今者快得善利於我國中得有如是大智聖者具諸威力於現法中及未來世諸漏永盡作是讚歎還王舍城時六衆苾芻因事出城於路逢見而問之曰仁讚歎誰答曰歎仁聖衆我等何事仁今讚歎答言婆羅門子往竹林中被賊將去聖者畢隣陀婆蹉以神通力奪得其子六衆報曰汝愚癡人我輩雖

有如是神力人不敬信然有拔髮癡人露形
外道反更於彼心生敬信若彼露形見此事
者爲彼秋賊指其出路時未生怨默然無對
時六衆苾芻難陀鴨波難陀自相謂言我等
且已善答其事然少欲者今現犯罪我等往
彼令其悔過便還住處飯食已訖隨次致敬
已詣聖者畢隣陀婆蹉所白言上座願見容
許欲有詰問報言隨意婆羅門子被秋賊將
去仁奪將來其事虛實報言是實我取將來
白言我先具知上座已住靜慮解脫勝樂我
實不知有慈不偏於親族處愍念將來於彼
秋賊心生不忍又他所攝物強奪將來仁既
犯罪可如法悔荅言具壽我不見罪是時六
衆互相議曰仁等當知如世尊說不見罪者
當與此人作捨置羯磨授事者誰可鳴健稚
應爲此人作捨置羯磨便往至彼授事人所
報言具壽應鳴健稚授事問曰所爲何事報
言爲少欲者實有犯罪而不悔過我欲爲彼

作捨置事尔時身手爲衆上座觀察其事可
不之宜告授事人曰具壽與誰作偏住法或
覆本偏住法竟善出罪荅言更無別事但爲
聖者畢隣陀婆蹉犯罪不見與作捨置羯磨
身手報曰具壽勿以小緣惱亂耆德然薄伽
梵是一切智見於無上智境得大自在能斷
他疑汝可諮問如佛所教我當奉行時諸苾
芻以事白佛佛知時而問廣如上說爾時佛
告畢隣陀婆蹉曰汝以何心現神通力取婆
羅門子時畢隣陀婆蹉具以其事白佛佛告
諸苾芻畢隣陀婆蹉若作此心現神力者無犯
佛在王舍城鷀蘭鐸迦池竹林園中時頻毗
婆羅王常法每日恒往禮世尊足并諸大德
上座苾芻曾於一時禮佛足已在一面坐聽
佛說法時佛爲彼頻毗婆羅說衆法要示教
利喜王聞法已禮佛而去便往詣彼具壽畢
隣陀婆蹉住處時畢隣陀婆蹉於所住房有
破壞處躬自修葺遙見王來便洒手足至常

卷五

坐處整容而坐王前禮足在一面坐白言聖者何自執勞答言大王夫出家者皆自執務我既出家欲令誰作王言若如是者我爲聖者供給事人白言大王願王無病長壽如是乃至五返皆如上白我爲聖者供給事人時具壽畢隣陀婆蹉有一弟子爲性質直便白王曰自從大王許親教師供給事者若我本師依大王言捨不修理所有房舍皆已破壞王便報曰聖者豈我已曾許給事人耶白言大王非惟一度如是至五王國事繁忘不能記王之常法但有出言臣必書記問記事人曰我實曾許給事人耶答言實尔已經五返若如是者當合罰我我今應與五百淨人以充給事便告大臣曰宜給聖者五百使人時畢隣陀婆蹉而白王曰大王我緣出家揔捨給事今得使者欲何所爲白言聖者爲僧衆事當可受之若如王言我當白佛王言聖者可往白佛時畢隣陀婆蹉以事白佛佛言若

爲僧衆當可受之時畢隣陀婆蹉奉教而受時給侍人雖施入僧未蠲王役是諸人等白聖者曰我等初聞作僧給侍心實歡喜豈謂一身備遭兩役報言賢首汝等勿慮我當爲汝白大王知後於異時影勝王詣聖者所頂禮足已在一面坐是時尊者白言大王前所施僧給侍人等豈復大王生追悔耶王言聖者我實曾無追悔之念又白王曰何意諸人未免王役王於尔時勅大臣曰我施聖者給侍之人旣捨入僧可免王役大臣曰奉教即皆放免彼於異時國家興造須人作使大臣追喚莫有來者不施僧人亦皆妄說是給侍人是時大臣以事白王緣有役使追喚不來皆云我是僧家給使王曰若如是者可悉如舊令充王役從此已後先所施者並充王使其所施人詣尊者所白言我等還充國家可爲我等重白大王聖者爲白所給侍人令免追悔王曰何意白言給侍人還充王役王言聖

者但有官役咸言我是僧給侍人令事有關
唯願聖者可爲別作淨人之坊簡異其人無
令雜亂聖者報王我當白佛王言可爾時畢
隣陀婆蹉以事白佛佛言我今聽許造淨人
坊時諸苾芻不知何處應造佛言王城精舍
於此中間聞喚聲處當可造立時諸苾芻受

佛教已往白大臣今於此處奉世尊教造淨
人坊是時大臣便白王知王言隨佛所教大
臣細告諸淨人曰僧今爲汝別造住處汝等
今可揔就彼作淨人聞已即往其處共造住
坊安置已訖是時淨人常住竹林充僧給使
時艾芻衆告諸人曰清淨之業應可作之不
清淨事皆不應作由作淨業故曰淨人若阿
護住處名守僧園人彼清淨人及守僧園人
每日皆往竹林中誼亂苾芻妨修行業諸苾
芻白佛佛告諸苾芻勿令恒集有事應喚若
無使役令住本坊時諸苾芻又白佛言彼諸
淨人所須衣食如何給濟佛言爲僧使者可

給衣食不驅使者勿與衣食有老病者可給
衣食并諸藥餌後於異時鄒波難陀次知僧
事告諸淨人曰賢者我是知僧事人汝等明
旦早來入寺尔時王舍城內於諸苾芻夏安
居竟常有迦粟底迦賊此諸秋賊共相議曰
我與汝等欲作何業不假劬勞於此年中豐
棠五十四

足衣食受用安樂彼秋賊中有一作人曾被
苾芻驅使諳知僧事告諸賊曰竹林園處有
淨人坊多有財物共往劫取於此年中我等
豐樂一賊告曰彼諸苾芻是淨人主巡門乞
勻尚不充軀况此淨人得有財物其賊報曰
汝等不知諸苾芻等雖常乞食惠施者多復
自經求計其財物王舍城人亦不能及況諸
淨人豈無衣物是時群賊僉議已定即於其
夜詣淨人坊欲劫其物時有天人於聖者畢
隣陀婆蹉處深生敬信往白聖者曰有諸秋
賊劫彼淨人聖者慈悲願爲救護時畢隣陀
婆蹉便作是念我不救者令彼淨人心生愁

苦廣說如上我今宜可現神通力作是念已於淨人坊化作鐵牆周匝圍遶是時賊徒持所盜物欲出其坊但見鐵牆堅無出路心生惶怖棄所盜物於須臾頃不見鐵牆是時賊徒還持盜物所化鐵牆忽然復現如是至七賊相謂曰汝等知不必有聖者具大威德護斯物故現此神通我應棄物急共逃竄時賊以物聚之一處悉皆奔走淨人覽已競共誦聲唱言被賊彼既失財共生憂惱徧遶住坊求見其物遂見衣物聚在一處便生歡喜即持其物各還舍中守護而卧是時彼天於其夢中告諸人曰汝等不被秋賊之所劫盜皆

當第五

十五

是聖者畢隣陀婆蹉神力所致既至天明共相謂曰我等免失財物皆是聖者恩力更無餘人能起慈念我等宜應略伸供養咸共洒沐著鮮白衣塗飾香鬢持供養物詣竹林中時邬波難陀晨起已執持鎖鑰欲開寺門屏除燈燭塗掃堂宇數設座席於窣堵波香華供養陞上閣鳴犍椎四顧而望遙見諸人著鮮白衣香鬘莊飾邬波難陀便生是念彼諸來者是何居士寶主富人晨朝至此既近門已知是淨人邬波難陀便生瞋怒遙告之曰我未令汝晨旦早來何因至此淨人白曰聖者我等昨夜若無聖者畢隣陀婆蹉慈悲護念我等財物被賊偷盡邬波難陀告淨人曰汝恃彼力競驕誼譁我爲彼人作治罰法作是語已便呼六衆共詣聖者畢隣陀婆蹉所白言上座願見容許欲有詰問答言隨意白言於淨人坊所有財物被賊偷去神力奪留是事虛實答言實尔白言我先知上座已住靜慮解脫勝樂然我不知雖有慈悲不能普及於淨人所愍而護念於秋賊處圍以鐵牆又他已攝物強奪而留仁旣犯罪可如法悔廣說如上乃至嗚推欲爲捨置上座舍利子令其審察諸苾芻白衣佛告畢隣陀婆蹉曰汝以何心現神通力留淨人物畢隣陀婆

蹉具以事白佛。佛告諸苾芻畢隣陀婆蹉若作此心現神力者無犯又無犯者最初未制戒癡狂心亂痛惱所纏不與取學處了

十六末

根本說一切有部毗奈耶卷第五

棠五

根本說一切有部毗奈耶卷第六

根本說一切有部毗奈耶卷第六

棠六

斷人命學處第三

唐三藏法師義淨奉

制譯

初緣默索迦　內身等行殺　毒害起屍鬼
後論浴室事

別攝頌曰

默索迦波洛

善語及吉祥

盞衣并墮胎

長者鹿梵志

余時薄伽梵在室羅伐城逝多林給孤獨園

時此城中有二苾芻一名默索迦二名波洛迦得意相親共爲交友彼於異時波洛迦染

患默索迦爲看病人時波洛迦忽於夜中大聲啼泣默索迦問曰具壽何意啼泣報言我患飢渴所逼默索迦報曰具壽於出家法當可抑之假令有食無授與人況復今時無食可得彼便啼泣迄至天明云我飢渴默索迦曰具壽且齧齒木我問醫人至醫人處報云

方醫人報曰聖者彼之苾芻應與如是如是賢首今有少年忽嬰時患彼所宜者當爲處服著革屣取君持齧齒木出門外澡漱已有餘苾芻問曰具壽波洛迦何意通宵困苦啼泣報言我極飢渴問言我有水粥何不敢之